

Gui'ch ni guxhaal San Pabl loj ree b́en Rom rliiladx Jesucrist

Rxhial San Pabl xtiidx Dios

1 Naj Pab, cayünan sirv loj Jesucrist, Dios gule naj din gacan xi apóstol Jesucrist, din gatiechan xtiidxza'caman.

²Diizd gocli mal rēb Dios diidxza'c guin ree, ni zēed loj xtiidxaman zi'c bacaa ree b́en badēē xtiidx Dios loj ree bejn, ³diidx guin ree ruza't, dux Dad ree Jesucrist guial zi'c bi'taman loj guidxliuj zi'c bénguidxliuj, loj xdiaa rey Davi zaman. ⁴Per por xSprijt Dios laaman naj Xi'n Dios guial babanman loj ree bengüt, abi' guidiblagaa rajpaman guialrniabee. ⁵Abi' par yaza't reeman, zeel bacaabeeman naj din gacan apóstol din guidiblagaa guidxliuj chu' b́en chililadx laaman, b́en guzoob tēē xtiidxaman. ⁶Abi' nē lējt ma nayab loj ree b́en gule Dios din gaquidi xbejn Jesucrist.

⁷Zeel caxhalan gui'ch guie lojdi b́en rēn ree Dios, b́en zojb ree Rom, lējt ma gulej Dios din gaquidi xbejnman. Dux Dad ree Dios nē Dad Jesucrist güünle' lējt yabe'cdxe tēē reeman luxdoodi.

Rēn Pab cheman Rom

⁸Yalojxgaj por Jesucrist rudēn quixtēē loj Dios por gradi, guial

guidibczi ruza't reeman lējt xhienaag rliiladxidi Jesucrist. ⁹Abi' zi'c cayünan sirv loj Dios, guidib guic guidib ladxan catiechan xtiidxza'c Xi'nman Jesucrist, abi' laaman ragbee guial ad rucwēēzt rbedx rniaaban laaman por lējt.

¹⁰Ad rucwēēz tēēt rbedx rniaaban Dios din guneeman mod guidganan lējt, zi'c naj da xgaban diizd gocli.

¹¹Din yu'czan gan guidganan lējt din günan lējt yudar con xtiidx Dios din sudxi'chidi lojn. ¹²Din güün tēēdi naj yudar zian yaguieen du lasa' ree yudar loj guialrliiladx ni raya'p ree, din chile' yalu' du luxdoo du lasa' ree.

¹³Compniar raliduladx ree Jesucrist, rēnan gagbeedi guial zien volti da't ma benan xgab guidganan lējt, din gacxhiey ree b́en chililadx xtiidx Dios, zi'c ma gojc zien ree luar ni ma wan, per xt yan ad wayajct gan guidganan lējt. ¹⁴Par naj naladxan da cwentan naj guial gulün chutēēz benan xtiidx Dios, bal najman b́en ciuda o najman b́en guiedxdoo ya, bal rignia'man o ad rignia'taman. ¹⁵Zeel rēnnejzdoon guidganan lējt din gatiechan xtiidx Dios Rom.

Xgualrniabee xtiidxa'c Dios

¹⁶Ad ratunë'tan xtiidxa'c

Jesucrist. Din por diidxa'c guin ree zëed xgualrniabee Dios, din gra ree bén chililadx laan laa reeman loj dol, zi'c ree bén Israel zi'c ree bén ad najt bén Israel. ¹⁷Din por xtiidxa'c Jesucrist ragbee ree bejn guial por guialrliladx reeman laaman ma naj reeman cwent sin dol: achet por stijb ni ren tijbzi por guialrliladx. Zian ca loj xtiidx Dios lod rëb: "Bén naban zi'c rën Dios, guidib tiamp ni nabanman rliladxaman laaman."

Dol ni rajp bejn

¹⁸Dunuj ree rayagbee guial diidz xanyabaa zëed xcastiro' Dios par ree bén ad ridxga't laaman, bén ad rüjnt ree zi'c rayal, abi' zi'c naban reeman ruquie'ch reeman xtiidxli Dios. ¹⁹Din ragbeechaaw reeman guial yu' Dios, abi' laagajcaman balüü bejn ree guial yu'caman. ²⁰Majsi ad ruguiaat bejn Dios, per diidz chi go'tchaaw guidxliuj raguiaa ree ni beenman, abi' por ni ma beenman rayagbee ree guial ad yu't dxej lox xgualrniabeeman abi' laa tëëman naj Dios. Zeel ad zajct xhie gudxiib bejn guijc guial achet ragbeeman xcwent Dios. ²¹Din majsi yu' ree bejn ragbee guial yu' Dios, per ad rajpt reeman laaman respejt zi'c rayal, ad rudëë tëët reeman quixtëë lojman, aal xgab ren ree rüjn reeman ni ad rüjnt sirv abi' gaz ragdxa reeman. ²²Rëb reeman guial rajc da't reeman abi' mazri na tont reeman. ²³Din luar guiën reeman Dios ni ad yu't dxej

guiët, rën reeman ni nit ree yu' dxej, rën reeman ni naj ree zi'c bejn, ni naj ree zi'c biguijn, zi'c ree be yu' tajp guial' në ree bëël.

²⁴Zeel ma gulëëladx Dios laa reeman loj xixgab mal reeman, abi' rüjn reeman ni natu ree con ree ben ren. ²⁵Luar chinal reeman xdiidxli Dios, zinal reeman ni rusquiee ree. Abi' rën reeman rajp tëë reeman respejt ni been Dios, luar guiën reeman laaman guial beenman laa reen, abi' laaman rayal gap ree bejn respejt zianczi. Amén.

²⁶Zeel gulëëladx Dios laa reeman loj ree ni dxuudx rüjn reeman. Abi' zien ree béngunaa ad nabantri ree xnejz, rën lasa' béngunaa gajc reeman. ²⁷Ziangajc zien ree xinguaaaw ad nabantri xnejz, rën gajc lasa' xinguaaaw reex, xinguaaaw con xinguaaaw rüjn reex ni dxuudx, ni natu. Abi' laagajc reex rguuil xcasti reex.

²⁸Abi' guial ad ridxga't reeman Dios, zeel gulëëladx Dios laa reeman loj xixgab mal reeman, din güün reeman ganax ni ad rayalt güün reeman. ²⁹Ganax ni ad rayalt güün reeman rüjn reeman, za'në reeman xinguaaaw ren o béngunaa ren, zien ree ni mal rüjn reeman, rzëëbladx reeman gap reeman ni rajp ree ben ren. Dád nadëdloj reeman, rugüjt reeman bejn, rguuil reeman wadijl, rusquiee reeman bejn, ganaxczi ni mal yu'guijc reeman abi' rbëë reeman xtiidxguijdx bejn. ³⁰Rnieeguijdx tëë reeman bejn, ralen reeman Dios, ad rajpt reeman bejn respejt, rlies xvalor gajc reeman, rüjn reeman benro'. Abi' rbëëguijc reeman ni

mal ree, ad ruzoob tēēt xtiidx xdad xniaa reeman. ³¹Dád nad reeman, ad rüjnt cumplid xtiidx reeman, ad rēnt lasa' reeman, ad raya tēēt lasa' reeman. ³²Ragbeechaaw reeman rēb Dios guial chi guiēt ree bejn, dxel gra ree bén rüjn gra ree ni guin yayal casti. Per majsi zian, rusnuu gajc rüjn reeman ni mal guin ree abi' xt rabaa reeman chi rüjn ree ben ren zian.

Xguialguxtis Dios

2 Zeel chutēēz lüj guial rēbil xhie casti rayal bejn, ad rajptil derejch guiēbil zian, din lüj gajc rayal casti guin guial cayüjnl zi'cgajc rüjn reeman. ²Per dunuj ree rayagbee guial Dios rüjn guialguxtis zi'c rayal, chi rudēēdaman casti bén rüjn ree ni mal guin. ³Abi' lüj guial rēbil xhie casti rayal bejn abi' nēgajquiza lüj rüjn zi'c rüjn reeman, ad naladxil laal loj xcasti Dios. ⁴Ad rēntil guialnaza'c Dios con lüj, ad rēntil guial rdaanman lüj rajp tēēman lüj pacens, ni'quid ragbeetil guial pacens guin rüjn lüj yudar din gapil tiamp par yayüjnl xgab por xtolil. ⁵Per guial dád nadil, ad rēntil yajejquil loj Dios, zeel lüj gajc cayüjnxhie xtolil par dxej ni gudēēd Dios casti, dxej ni güünman guialguxtis zi'c rayal. ⁶Par gudēēman ni rayal tijbgaj bejn bal gonin beenman. ⁷Gudēēdaman guialnaban tiblyaaa loj ree bén ad radxagt rüjn naguiejn guiban zagdxé guial rüjn reeman naguiejn yayal reeman guialnaza'c yu' xanyabaa, rüjn tēē reeman naguiejn yaya'n reeman zagdxé loj Dios

din gap reeman cuerp ni ad yu't dxej nit. ⁸Per ree bén ad ruzoobt diidx, rdxe'ch Dios laa reeman abi' gudēēdaman laa reeman casti, din luar chinal reeman xtiidxliman, zinal reeman nejz mal. ⁹Gra ree bén zinal nejz mal, naya sac reeman sagdiaj reeman, yaloj ree bén Israel dxel bén ad najt ree bén Israel. ¹⁰Guiáad ree bén zē loj nejz zagdxé, guilies Dios xvalor reeman, yabaanēman laa reeman, yabe'cdxe tēēman luxdoo reeman, yaloj xgaj ree bén Israel dxelri bén ad najt ree bén Israel.

¹¹Din Dios tiblojzi rüjnman guialguxtis con gra bejn. ¹²Gra ree bén cayüjn dol sin guial ad nünbeet reeman ley badēēd Dios loj Moisejs, tēd reeman casti sin ley guin. Guiáad ree bén cayüjn dol majsi ragbee reeman ley guin, laa reeman tēd casti zi'c rniabee ley guin. ¹³Din ad guial guientzi bejn ley guin ma nayaman loj Dios, bén rüjn ree zi'c rniabee ley guin laa reeman naj bén naya loj Dios. ¹⁴Per chi ad najt bejn bén Israel, abi' cayüjnman ni zagdxé sin guial güünbeeman ley guin, dxel ma cayüjnman zi'c rniabee ley guin majsi ad nünbeetaman laan, guialzi nünbeeman conin naj ni zagdxé con tēē nin naj ni mal, abi' guijc gajc reeman zēēd xley reeman. ¹⁵Din zi'c naban reeman, rguien guial guijc reeman zēēd conin rayal güün reeman con tēē nin ad rayalt güün reeman luar gap reeman ley guin. Abi' laagajc reeman ragbee chi ma been reeman ni zagdxé o chi ma been reeman ni mal. ¹⁶Zian gac chi güün Dios guialguxtis por gra ree

ni naguie'ch ni ŕujn b́enguidxliuj. Abi' zi'c cuĺun bejn ree guidibczi, laaman ǵiun guialguxtis por Jesucrist.

B́en Israel ree ńe xley Moisejs

¹⁷Yan, ĺuj guial najl b́en Israel yu'guijquil guial rajquil ley bad́e Dios loj Moisejs, abi' ŕujnl nab́e guial najl xbejn Dios, ¹⁸ŕebil guial ragbeel xhienaag ŕen Dios guibanl, abi' por xleyaman ragbeel conin naj zagdxe ǵiunl. ¹⁹Abi' naladxil zile' guzuxnejzil b́en ad ńunbeet ree ley guin ńe ree b́en ad ńunbeet xnejz Dios, ²⁰naladxil zile' gulúul b́en ad rajct ree ńe ree b́en rajc ta'nzi, guial por ley guin ragbeel gra, ragbee t́eel conin naj diidxli. ²¹Per zi'c nabanl, ¿chexc zeel ad rulúut ĺuj gajc luar gulúul ben ren? Din ĺuj ŕeb guial ad laat cwan bejn, abi', ¿chexquiza zeel rbanl? ²²Ŕebil guial ad laat suńe bejn b́en ad najt lacheelaman, abi' ĺuj, ¿chexquiza zeel ŕujnl zian? Ŕeb t́eel guial rdxe'chil ni naladx bejn naj dios, abi', ¿chexquiza zeel rbanl ĺen yadoo lod yu' ree Dios guin? ²³Dád nab́e ŕujnl guial ńunbeel ley, per rusa'nxtul Dios guial ad ŕujntil ni rniabee ley guin. ²⁴Ze'cli ŕeb loj xtiidx Dios: “B́en ad najt ree b́en Israel rniee reeman Dios diidxguijdx por ĺejt.”

²⁵Diidxli ŕujnqui sirv guial ru xcuerp bejn sen ni ru ree b́en Israel, bal ŕujnman zi'c rniabee xley Dios. Per bal id ŕujnman zi'c rniabee ley guin, achet sirvan guial yu'man sen guin. ²⁶Per bal tijb b́en ad yu't sen guin nabanman zi'cgajc tijb b́en rajc xley Dios majsi ad ńunbeetaman

laan, dxel ma nayabaman zi'c tijb b́en yu' sen, majsi ad yu'taman sen guin. ²⁷B́en ŕujn zi'c naj xley Dios, majsi ad ńunbeetaman ley ad yu' t́eetaman sen, gusa'nxtu'man ĺuj guial ńunbeel ley guin yu' t́eel sen guin, abi' ad ŕujntil zi'c rniabee ley guin. ²⁸Din ad guial rajlt bejn loj nacion Israel, ad guial yu' t́eetaman sen ni ru ree b́en Israel ma najman b́en Israel loj Dios, ²⁹b́en wali naj b́en Israel loj Dios, guidib luxdooman zinalaman xnejz Dios, ad por guial yu'taman sen ru ree b́en Israel, ad por xcostumbr t́eet reeman, por guial naban reeman con xSprijt Dios. Abi' b́en naban zian, Dios rlies xvaloraman sa'n ad b́enguidxliujt.

3 Zeel zanadi lon xhieczi gan naj bejn b́en Israel o xhieczi gan chu'man sen ru ree b́en Israel. ²Per naj gani lojdi guial gadxagayaa mod lasajc guial naj bejn b́en Israel, din yalojxgaj loj ree b́en Israel bad́e Dios xtiidxaman. ³Yan ad naladxidi por guial yu' ree b́en ad zinalt xnejz Dios, ad źujntraman cumplid ni ŕebaman din xo ǵiun Dios ni ŕebaman ǵiunman con ree b́en zinal xnejzaman. ⁴Din laaman ad yu't dxej guchaa xtiidxaman, majsi gra b́enguidxliuj naj b́en rusquiee, per Dios ad ńetaman rusquiee, zi'c ŕeb tiblajt loj xtiidxaman lod ŕeb:

Gra bejn ǵiunbee ĺuj guial ŕujn cumplid xtiidxil, abi' achet zajc gudxiib reeman guijquil.

⁵(Per yu' bejn ŕujn xgab) guial bal por dol ni cayguieen ree rulúu guial benza'c naj Dios, ¿chexquiza

zeel najman benmal rudḗedaman bejn casti? ⁶Per naj rni lojdi guial ad najt Dios benmal, din bal najman benmal xoza güün xgualguxtisaman con bénguidxliuj.

⁷Din bal yaguie'ch ree guial ad rucaagdiajgt xtiidx Dios, laan naj ni rüjn yudar xtiidxli Dios din gap bejn laaman mazri respejt, dxel ad zajctri guiḗb Dios naj bejn b́endol.

⁸Abi' mazri ma yaguieen ree ni mal din gui't ni zagdxe, zi'c rḗb ree bejn culün bejn ree, per Dios gudḗd casti b́en rḗb ree zian.

Graczi bejn ma been dol

⁹Zeel zi'c ma rnin por ree b́en Israel, nḗ por ree b́en ad najt b́en Israel, abi' ma ragbeedi guial ad zajct guiḗbidi guial mazri benza'c naj ree b́en Israel guial loj ree b́en ad najt b́en Israel, din tiblojzi nayajc ree b́endol. ¹⁰Zi'c ca tiblajt loj xtiidx Dios lod rḗb:

Achutczí naj benza'c,
per ni'qui tijb bejn.

¹¹Achutczí rignia'.
Achutczí raguiil Dios.

¹²Gra reeman ma basa'n xnejz
Dios.

Gra reeman ma zinal nejz mal.
Achutczí cayüjn ni zagdxe,
per ni'czi tijb bejn.

¹³Zi'cgajczi tijb baa ni zojbyal,
zian ganax ni dxuudx ririi ro'
reeman.

Ganax diidx rusquiee rniee
reeman.

Abi' xtiidx reeman naj zi'c
xvenen bḗel.

¹⁴Ganax diidx mal ririi ro' reeman,
diidxguijdx ni rüjnnaa lasa'
reeman.

¹⁵Za'sin reeman din gugüjt
reeman bejn.

¹⁶Bantḗez guin zḗ reeman, rüjn
reeman ni dxuudx ree.
Abi' rusagzi reeman bejn ree.

¹⁷Ad nünbee tḗet reeman
xhienaag naj gualrbajn bejn
zagdxe.

¹⁸Ad yu'guijct reeman guial rayal
guidxeb reeman Dios.

¹⁹Dunuj ree rayagbee guial gra
ni zḗed loj xley Dios, naj par ree
b́en zinal ley guin, chitḗe chu guiḗb
guial achut ragbee xhienin naj
dol, laan naj par gagbee bejn guial
najman b́endol loj Dios. ²⁰Din ad
guial güünt bejn gra ni rniabee ley
guin ma nayaman loj Dios, ley guin
rülüü din gagbee bejn guial najman
b́endol.

Por gualrliladx ma naya bejn loj Dios

²¹Per yan Dios ma balüü dunuj
ree tijb nejz guial xhienaag
yayajc ree naya lojman. Ad guial
yaguieentzi ree zi'c rniabee ley
guin, por ley guin nḗ por ni bacaa
ree b́en badḗe xtiidx Dios loj ree
bejn. ²²Rayagbee ree guial rüjn
Dios bejn cwent zi'c b́en ad yu't xtol
por gualrliladxaman Jesucrist, din
par Dios tiblojzi naj bejn. ²³Din gra
bejn ma been dol, achutczí naya
niz loj Dios. ²⁴Per guial najman
benza'c, ma beenman perdon dux
tol ree sin guial yadijx ree, ma
nayajc ree perdon por Jesucrist,
b́en gudix por dux tol ree chi
gütaman loj crüjz. ²⁵Dios guxhaal
Jesucrist, din por xrejnman chu'
perdon par bénguidxliuj. Abi'
perdon guin naj par ree b́en rliladx

Jesucrist. Zian rguien guial graczi rüjn Dios xnejz, abi' bal guia'xchej ad beent xguialguxtisaman por dol ni been ree bejn, laan naj por pacens ni rajpaman con bejn, ²⁶guial ma ragbeeman goc güün xguialguxtisaman. Zian rusnuu rulüüman guial graczi rüjnman xnejz, zeel rüjnman perdon xtol ree bén rliladx Jesucrist.

²⁷Yan, ¿xhienaag yaguieen ree nabë? Achet yaguieennë' ree nabë, din ad guial yaguieent ree ley guin cumplid ma nayajc ree perdon, yayajc ree perdon por guial validuladx ree Jesucrist. ²⁸Zeel rayagbeechaaw ree guial Dios rüjn perdon xtol ree bejn guial rliladx reeman Jesucrist, ad guial rüjnt bejn nagueijn güünman gra ni rniabee ley guin.

²⁹¿Wen xDiosi ree bén Israel naj Dios ya, ad nët ree bén ad najt bén Israel naj xDios laaman ya? Naj rni lojdi guial Dios naj par gra bejn, ³⁰din tijbzi Dios yu', laaman rüjn perdon xtol ree bén rliladx Jesucrist, yu'man o ad yu'taman sen ni rniabee ley chu' ree bén Israel. ³¹Ad naladxidi cayguieen ree ley guin tiblax guial raliduladx ree Jesucrist, din ad ziantan, guial raliduladx ree laaman rguien guial nadxu'guijc ree ley guin.

Xguialrliladx Abraham

4 Yan, ¿xhie zajc yaguie'ch ree xcwent dux béngulal ree Abraham? ²Bal niyab Abraham zi'c tijb bén gad güün dol por ree ni beenman, guyu mod nüjnman nabë loj ree bejn, per ad lojt Dios. ³Din rëb loj xtiidx Dios: “Guial bililadx

Abraham Dios, zeel been Dios laaman cwent zi'c tijb bén ad beent dol.” ⁴Chi rüjn bejn dxiin, milia ni rajxaman ad ni razaladxt reeman, rtia'man laan por dxiin ni rüjnman. ⁵Per guial gac bejn perdon loj Dios, ad zajct guiëb bejn guial rayalaman perdon guin por ni beenman, din achut naya loj Dios. Perdon guin zëëdan guial rliladx bejn Jesucrist, zeel rüjn Dios bejn cwent zi'c bén ad yu't xtol. ⁶Zi'c gunee rey Davi guial xiquilbaa ree bén been Dios cwent sin dol sin guial güün reeman xhienin par yayal reeman perdon guin. ⁷Rëbaman:

Xiquilbaa ree bén been Dios perdon xtol, bén ma badxi'caman xtol.

⁸Xiquilbaa ree bén ma been Dios cwent sin dol.

⁹Ad gunee Davi diidx guie ree naabzi par bén yu' ree sen ni ru ree bén Israel, guneeaman diidx guin ree par gra ree bejn. Din zi'c ma raguie'ch ree, Dios been Abraham cwent zi'c bén ad yu't xtol guial bililadxaman laaman. ¹⁰Abi' chi biyabaman zi'c bén ad yu't xtol, ni'qui gadaman chu' sen ni ru ree bén Israel, chi gad Abraham chu' sen guin mal nüjn Dios laaman cwent zi'c bén ad yu't xtol. ¹¹Chi biabaman zi'c bén ad yu't xtol, dxel guyuman sen guin din sen guin naj guial ma nüjn Dios laaman cwent zi'c bén ad yu't xtol guial bililadxaman laaman. Zeel naj Abraham dad par ree bén rliladx Dios, majsi ad yu't reeman sen ni ru ree bén Israel, per por guialrliladx guin nüjn Dios laa reeman cwent zi'c bén ad yu't xtol. ¹²Naj tëë

Abraham dad par ree b́en majsi yu' sen guin per rliiladx reeman zi'c bililadx Abraham Dios diizd chi gadaman chu' sen guin.

Promejs ni been Dios loj Abraham

¹³Chi been Dios promejs loj Abraham nē loj ree xdiaaman, guial gudḗedaman guidib guidxliuj loj reeman zi'c tijb ni bayal reeman, ad beent Dios promejs guin loj Abraham guial beenman zi'c rniabee ley, beenman promejs guin guial bililadxaman laaman, zeel beenman laaman cwent zi'c tijb b́en ad yu't xtol. ¹⁴Yan bal ganaxzi ree b́en zinal ley guin tia' ni gudḗe Dios, achet cwent naj guialrliiladx ree bejn laaman, ache tḗet cwent naj promejs ni been Dios loj Abraham. ¹⁵Din ley guin najn par castizi, per lod ad yu't ley, ad yu't mod chu guiḗb guial ad cayijnt bejn ley guin cumplid.

¹⁶Zeel chi been Dios promejs loj Abraham guial gudḗedaman ni rḗbaman par gra ree xdiaaman, beenman promejs guin lojman guial bililadx Abraham guin laaman, din guiguien guial najman benza'c abi' ad parzi ree b́en zinalt ley guin naj promejs guin, nḗgajc par ree b́en rliiladx Dios zi'c bililadx Abraham majsi ad rajpt reeman ley guin. Zeel naj Abraham dad par dugra ree. ¹⁷Zi'c ca loj xtiidx Dios lod rḗbaman loj Abraham: “Lij gac dad par zien ree b́enguidxliuj.” Zian naj promejs ni been Dios loj Abraham, Dios b́en rusban ree bengūt abi' rnieeman xcwent ree ni gad chu' loj guidxliuj guie zi'c ruliū ma yu' reen.

¹⁸Majsi ragbeechaaw Abraham guial ad zajctaman famil, per chi

rḗb Dios lojman zian, bililadxaman ni rḗb Dios, bililadxaman guial gac gra ni rḗbaman lojman. Zianan zeel najman dad par gra ree b́en rliiladx Dios zi'cgajc laaman. Zi'c rḗb Dios lojman, chi rḗbaman: “Zian gaquil famil, dád famil narooob gaquil.”

¹⁹Cost tibgayuu ijz ma yu' Abraham nadxel, ragbeeman guial ma naj reeman bengol nḗ xbéngunaaman Sara guial chu' xi'n reeman, per ad guyunawḗegtaman, bililadxaman ni rḗb Dios lojman. ²⁰Ad yu't dxej ad bililadxtaman ni rḗb Dios. Diidxli bililadxaman laaman abi' rudḗeman quixtḗe lojman, ²¹din guidiblagaa bililadxaman guial rajp Dios guialrniabee güünman zi'c ma rḗbaman. ²²Zeel been Dios cwent Abraham zi'c tijb b́en ad yu't xtol.

²³Abi' lod rḗb guial been Dios laaman cwent zi'c b́en ad yu't xtol guial bililadxaman laaman, ad tijbtzi Abraham ruza't yagaj, ²⁴nḗgajc dunuj ree din ma raliduladx ree Dios. Abi' nḗ dunuj ree ma nüjnman cwent zi'c b́en ad yu't xtol, Dios b́en basban Dad Jesucrist loj guialgüjt, ²⁵Dad Jesucrist b́en güit por dux tol ree, dxel babanman abi' por laaman ma naya ree loj Dios.

Chi ma naya bejn loj Dios

5 Ma nüjn Dios dunuj ree cwent zi'c b́en ad yu't xtol guial raliduladx ree laaman, zeel ma nadxu' ree zagdxe con laaman por xguialgüjt Dad Jesucrist. ²Din guial raliduladx ree Jesucrist ma zajc yadxin ree loj Dios abi' nadxu'guijc ree ni ma beenman por dunuj ree, zeel dád nix yu' du luxdoo ree

din ralééz ree yayal ree xanyabaa lod za'man. ³Abi' ad ziantzi, nē guial yu' du luxdoo ree zagdxe por guialrzagdiaj ni radiüüd ree, din rayagbee ree por guialrzagdiaj guin yasiid ree yaya'p ree pasens. ⁴Abi' por pacens guin yasiid ree yadaan ree ni gui'tzi, abi' guial yadaan ree ma zajc yadxin ree loj Dios. ⁵Ni ralééz ree por Dios, ad zasa'nxtutan dunuj ree, din rayagbee ree guial rēn da'taman dunuj ree por xSprijtaman b́en ma baneeman duloj ree.

⁶Gocli babajn ree ad bile't naguieen ree xhienin din güün Dios dunuj ree perdon. Per chi bidxin dxej bi't Cristo güjtaman por dunuj ree nayajc ree b́endol. ⁷Dunuj ree rayagbee guial nawēög naj chu' b́en tiēb guiēt por zatijb bejn. Ni'czi por tijb b́en naban xnejz, o wed yu' b́en tiēb guiēt por tijb benza'c da't. ⁸Per Dios ma balüüman guial rēnman dunuj ree, zeel güjt Jesucrist por dunuj ree majsi nayajc ree b́endol. ⁹Per yan ma naya ree loj Dios por xguialgüjt Jesucrist, abi' ad ziantzi, nē ad zayaltri ree xcasti Dios chi guidxin dxej. ¹⁰Din chi ad bile't nadxin ree loj Dios, laaman guxhal nejz guin por xguialgüjt Xi'nman Jesucrist, diidxgui yan ad züjntaman dunuj ree perdon ya, guial ma nabajnnē' ree Jesucrist, b́en guxhal nejz par loj Dios. ¹¹Abi' ad laatzan, nē guial yu' du luxdoo ree nix radēēd ree quixtēē loj Dios por Dad Jesucrist, din por laaman ma nadxu' ree zagdxe con Dios.

Adán nē Cristo

¹²Por tijb xinguaaw guzuloj guyu dol loj guidxliuj, abi' por dol guin

guzuloj guyu guialgüjt, gra ree bejn bayal guialgüjt guin guial been reeman dol. ¹³Diizd chi gad ley ni badēēd Dios loj Moisejs chu' mal yu' dol, per guial achet ley guyu nadxel, achut zajc guiēb guial cayüjn bejn dol. ¹⁴Per majsi zian, bidxinczi dxej ni güt reeman, diizd xtiamp Adán xt xtiamp Moisejs, majsi ad beent reeman lasa' dol ni been Adán. Abi' tiampzii Adán gojc tijb sen par tijb b́en naj gui't.

¹⁵Din garen naj dol ni been Adán guial loj perdon ni zēēd por Dios. Por xtol tijb bejn guzuloj guyu guialgüjt par gra bejn, per por tijb bejn zēēd xperdon Dios, abi' laaman naj Jesucrist. Por Jesucrist rüjn Dios dunuj ree perdon, abi' ni been Jesucrist naj ni mazri lasajc, nē ni mazri zagdxe par zien ree bejn. ¹⁶Din garen naj dol ni been Adán guial loj perdon ni runeē Dios. Por tijb dol bi't xcasti Dios, per por Jesucrist ma zile' gac bejn perdon, majsi ma beenman zien dol. ¹⁷Por dol ni been Adán bi't guialgüjt par gra ree bejn. Per por ni been Jesucrist bi't perdon par gra ree b́en rliladx guial por Cristo ma naj bejn naya guidiblagaa loj Dios, abi' gap reeman guialnaban tiblayaa con laaman.

¹⁸Abi' guial bi't guialgüjt zi'c tijb casti par gra ree bejn por dol ni been Adán, ziangajc por ni zagdxe ni been Jesucrist ma zajc gap ree bejn perdon nē guialnaban loj Dios. ¹⁹Din por tijb b́en ad bazoobt diidx gra bejn naj b́endol. Per ziangajc por tijb b́en bazoob diidx ma zajc gap bejn perdon loj Dios.

²⁰Abi' Dios badēē ley loj Moisejs, din por ley guin gagbee ree bejn

guial cayüjn reeman dol. Abi' chi ragbee bejn guial cayüjnman zien dol loj Dios, ziangajc mazri benza'c naj Dios par güünman laaman perdon. ²¹Guia'xchej gunabee dol bejn ree, abi' por dol guin guzuloj guyu guialgüjt. Per yan mazri nadxu'guijc ree guial rën Dios dunuj ree, din guial rënman dunuj ree nünman dunuj ree cwent sin dol, abi' yaya'p ree guialnaban con laaman por dux Dad ree Jesucrist.

Ma bayëjt ree par dol per nabajnnë' ree Jesucrist

6 Ad nalaxidi canin lojdi guial yaguieen ree dol mazri din guiën Dios dunuj ree mazri. ²Din ad ziantan, ma bayëjt ree par dol ad rayaltri yaguieenz yaguieen ree dol. ³Din gol bignia' guial chi barobnijs ree por Jesucrist, laan naj zi'c rulüü guial në dunuj ree ma bayëjt con laaman. ⁴Chi barobnijs ree rën guiëban guial ma baxa'tyuj ree con Cristo, ma bayëjt ree con laaman din ziangajc zi'c babanman por xguialrniabee Dios ziangajc zajc guidxaa mod ni nabajn ree, yabajn ree zi'c rën Dios.

⁵Abi' bal chi barobnijs ree ma nayajc ree tijbzi con Jesucrist loj xguialgüjtaman, zi'c babanman ziangajc yaban ree. ⁶Din dunuj ree rayagbee guial chi güit Jesucrist loj crüjz, güjtaman por gra ni baguieen ree yaloj chi gad ree yaguieenbee laaman, abi' yagaj gunijt zi'c babajn ree yaloj, din ma naj nawëëg güün dol dunuj ree gan din ad rniabeetri dol guin dunuj ree. ⁷Din bén ma güjt por dol, ad rniabeetri dol guin laaman. ⁸Abi' guial güjt Jesucrist

por dux tol ree, zeel ma bayëjt ree par dol guin, yabajn tëë ree con laaman. ⁹Din dunuj ree rayagbee guial chi baban Jesucrist ad yu'tri dxej guiëtaman din ad rniabeet guialgüjt laaman. ¹⁰Con tivoltizi güjt Jesucrist por xtol ree bejn, yan ma nabanman par Dios. ¹¹Ziangajc lëjt gol been cwent guial ma güjtidi par dol, abi' ma nabandi par Dios guial ma najdi tijbzi con Dad Jesucrist.

¹²Zeel la'tgaj nabandi loj guidxliuj guie ad tiëbidi nabee dol lëjt, ad tiëb tëëdi güün ree xgabdxuudx lëjt gan. ¹³Ad cwëëladx lëjt gajc loj dol par güündi ni mal, zagdxeli gol cwëjb nabee Dios lëjt, zi'c tijb bén ma güjt, abi' yabandi par laaman. Gol cwëjb nabeeman lëjt par güündi ni zagdxe. ¹⁴Zian ad zanabeetri dol lëjt, per ad por guial yu'guijctidi ni rëb ley ad güündi, ad zanabeetri dol guin lëjt por guial zinalidi guial rën Dios lëjt.

Ma gulaa ree loj dol

¹⁵Ad canitan por guial ma zunaal ree guial rën Dios dunuj ree yan, zeel ma zajc yaguieen ree dol guial ad zunaaltri ree ley, din ad ziantan. ¹⁶Lëjt ragbee bal yu' chu rniabee dunuj ree, yazoob ree xtiidx bén rniabee dunuj ree. Yan bal dol guin rniabee lëjt yayalidi casti, per bal ruzoobidi xtiidx Dios dxel ma rayalidi perdon. ¹⁷Per quixtëë Dios guial majsi guia'xchej gunabee dol lëjt, per yan con guidib luxdoodi ma zinalidi xtiidx Dios zi'c ma basiididi. ¹⁸Abi' yan guial ad rniabeetri dol lëjt, ma nabandi din güündi zi'c rën Dios. ¹⁹(Canenë'n

lèjt con ganax diidx ni zajc chignia'di xhie rën guiëb ni canin, din ragbeen guial nawëëg naj chignia'di ni guin ree.) Zi'c gunabee dol lèjt guia'xchej persi beendi ni dxuudx ree nè graløj ree ni mal, ziangajc yan guidiblagaa gol cwëjb nabee Dios lèjt din gac güüindi ni zagdxe guiban tëedi zi'c rënman.

²⁰Chi gunabee dol lèjt ni'quid guyutidi xgab nibajndi zi'c rën Dios.

²¹Per, ¿xhieza gan beendi por ni mal ni beendi nadxel, ni mal ni ratunëdi yan guial ma ragbeedi por laan zëed xcasti Dios? ²²Per yan guial ad rniabeetri dol lèjt ma zinalidi xnejz Dios, abi' laan naj ni zagdxe din por zian ma zajc guibandi zi'c rën Dios gap tëedi guialnaban tiblayaa con laaman.

²³Din ni rÿjn bejn gan por dol laan naj casti, per ni razaladx Dios naj guialnaban tiblayaa par ree bèn ma naj tijbzi con dux Dad ree Jesucrist.

Ni naj zi'c guialruxhliaa

7 Compniar raliduladx ree Jesucrist, lèjt ragbee xhienaag naj tijb ley. Ley guin naj ni rniabee bejn la'tgaj nabanman. ²Laan naj zi'c chi ruxhliaa bejn, ad zajct guxhliaanëman ben ren la'tgaj naban lacheelaman. Per bal guiët lacheelaman dxel ad yu't ley ni gudxoon guial guxhliaanëman ben ren. ³Zeel bal naban lacheelaman abi' guchajgaman ben ren, dolan cayÿjnman. Per bal ma güjt lacheelaman dxel achet ley gudxoon guial guxhliaanëman ben ren ad cayÿjn tëtaman dol.

⁴Ziangajcan lèjt compniar raliduladx ree Jesucrist, por

xgualgüjt Jesucrist ma güjtidi par xley Moisejs. Yan ma najdi xbejn Cristo bèn baban zatijb, abi' zian ma zajc yaguieen ree zi'c rën Dios yaguieen ree. ⁵Din chi babajn ree zi'ctzi bayën ree, mazri baguieen ree ni rudxoon ley guin yaguieen ree abi' bunaal ree ni mal ni rayal casti. ⁶Per yan guial ma bayëjt ree par ley guin, yan guial ad rniabeetri ley guin dunuj ree guial ma bidxaa tëë mod ni nabajn ree, ma zajc yaguieen ree zi'c rën Dios por xSprijtaman bèn nabajnnë' ree, ad guial nadxu'guijct ree ley guin.

Ley con dol

⁷Ad canitan lojdi guial ni mal naj ley guin, din ad ziantan. Din bal id ley guin ad zagbeetan conin naj dol, ad zagbee tëtän guial dol naj guialrzëëbladx, bal id rëb loj ley guin: “Ad sëëbladxil.” ⁸Per chi gogbeen guial ni mal naj guialrzëëbladx, mazri gojcxhiey da dolan por gra ni guzëëbladxan. Bal id yu' ley, ad zagbeet bejn xhienin naj dol. ⁹Chi gadan günbee ley guin, par naj zagdxe nabanman. Per chi benbeen ley guin, gogbeen guial cayÿnan dol abi' por dol guin rayalan casti. ¹⁰Bi't ley guin din gagbee bejn xhienaag guibanman, per par naj bi'tzan par gudëëdan naj casti. ¹¹Din basquiee dol guin naj guial zile' günan gra ni rniabee ley, per por ley guin gajc gogbeen guial castizi rayalan.

¹²Zeel ad ni malt naj ley guin din loj Dios zëëdan abi' gra ni zëëd loj ley guin loj Dios zëëdan, abi' zagdxe xnejz tëë naj ni rëb loj ley guin. ¹³Ad ley guint rajp dol guial

rayalan casti, dol guinan naj ni basquiee naj din günan ni rayal casti. Abi' por ley guin gogbeen guial ni dxuudx da't naj guial güün bejn dol.

¹⁴Dunuj ree rayagbee guial por Dios zëed ley guin, per guial najn bénguidxliuj zeel zianczi rüjn dol guin naj gan. ¹⁵Ad rignia'tan xhienin rajcan, din ad rüntan ni rënan, aal ni ad rëntan rünan. ¹⁶Abi' chi rünan ni ad rëntan günan, zian ragbeen guial ni zagdxequi naj ley guin, din por ley guin ragbeen xhienin cayünan. ¹⁷Zeel ad najtctzi rün guial rünan ni ad rëntan, rünan laan guial najn bëndol, abi' zianczi rüjn dol guin naj gan. ¹⁸Din guial najn bénguidxliuj, ragbeen guial ni'czi ta'n ad najtan benza'c, majsi rënan günan ganax ni zagdxe, per ad rajctan. ¹⁹Ad rüntan ganax ni zagdxe ni rënan günan, aal ganax ni mal rünan ni ad rëntan günan. ²⁰Yan bal rünan ni ad rëntan günan, ad najtctzi rün par günan laan, rünan laan guial najn bëndol abi' zianczi rüjn dol naj gan.

²¹Ragbeen guial majsi rënan günan ganax ni zagdxe, per laa za' gajc dol guin par güünan naj gan.

²²Dád ruladxan gra zi'c rniabee Dios günan, ²³per yu' ni rudxoon günan laan, abi' ni rudxoon guin naj dol, guial sta naban dol guin luxdon abi' zianczi rüjn naj gan.

²⁴iProb naj! ¿Chu zajc yabëe naj loj casti rayalan por dol ni rünan guial naj naj bénguidxliuj? ²⁵Per quixtëe Dios guial por dux Dad ree Jesucrist ma gulaan loj casti guin. Diidxliczi da xgaban naj guial günan ganax ni rniabee Dios, per

guial najn bénguidxliuj zeel zianczi rüjn dol guin naj gan.

Guialnaban runee xSprijt Dios

8 Gra ree bén riladx Jesucrist ad rayaltri reeman xcasti Dios, bén ad nabantri ree zi'ctzi rën reeman, laa reeman ma rüjn reeman nagueijn naban reeman zi'c rniabee xSprijt Dios. ²Din por xguialrniabee xSprijt Dios, bén runee guialnaban duloj ree guial ma nayajc ree tijbzi con Jesucrist, ad rniabee tri dol dunuj ree ad zayal tëetri ree xcasti Dios. ³Guial nayajc ree bénguidxliuj ad bile't nüjn ley dunuj ree yudar, ley ni badëed Dios loj Moisejs. Per yan ma been Dios ni ad bile't nüjn ley guin. Laaman guxhaal Xi'n loj guidxliuj zi'cgajczi tijb bénguidxliuj persi güjtaman por dux tol ree chitëe nabeeri dol dunuj ree. ⁴Laaman been zian, din yagueien ree zi'c rënman zi'cgajc tijb Bén cayüjn zi'c rniabee ley guial ad nabantri ree zi'ctzi rayën ree, ma nabajn ree zi'c rniabee xSprijt Dios.

⁵Bén naban ree zi'ctzi naj xixgab reeman, mazri yu'guijc reeman güün reeman zi'ctzi rën reeman. Per ree bén naban zi'c rniabee xSprijt Dios, mazri yu'guijc reeman güün reeman zi'c rniabee Sprijt guin. ⁶Guial yu'guijc bejn güünman zi'ctzi naj xixgabaman zeel zëed casti. Per bén yu'guijc güün zi'c rniabee xSprijt Dios, zajpaman guialnaban con Dios yabe'cdxe tëe Dios luxdooman. ⁷Bén yu'guijc ree guiban zi'ctzi naj xixgab reeman, rdx'e'ch Dios laa reeman din ad rënt reeman guzoob reeman xtiidxaman

ad rile't t́eet giuun reeman zi'c ŕenman. ⁸Zeel b́en naban ree zi'ctzi naj xixgab reeman, ad ruladxt Dios ni ŕijn reeman.

⁹Per ĺejt ad nabantridi zi'ctzi naj xixgabidi, ma nabandi zi'c rniabee xSprijt Dios, bal wali ma nabanńedi xSprijt Dios. Din b́en ad nabanńet xSprijt Dios, ad najtaman xbejn Cristo. ¹⁰Per bal ma nabanńedi Cristo, ŕen guiéban guial ma gújtidi par dol, ma nabanńedi xSprijt Dios din ma nújn Dios ĺejt cwent sin dol. ¹¹Abi' bal ma nabanńedi xSprijt Dios, b́en basban Jesucrist loj ree bengút. Majsi guiétidi per zasban Dios ĺejt din tia'di zatijb guialnaban por xSprijt Dios b́en nabanńedi.

¹²Zeel yan compniar raliduladx ree Jesucrist, ad rayaltri yabajn ree zi'ctzi naj dux xgab ree. ¹³Din bal nabandi zi'ctzi naj xixgabidi, dxel yayalidi casti, per bal por xSprijt Dios b́en nabanńedi ma basa'ndi dol tiblax dxel ma gapidi guialnaban tiblyayaa con Dios.

¹⁴Gra ree b́en rtiéjb rniabee xSprijt Dios laa reeman, laa reeman naj xi'n Dios. ¹⁵Din ad nabanńet reeman xSprijt Dios par guidxeb reeman, zi'c rdxeb tijb bejn xpatronman, por Sprijt guin ma naj reeman xi'n Dios. Abi' por Sprijt guin raguie'ch ree loj Dios: "¡Dad!" ¹⁶Din xSprijt Dios rusni dunuj ree persi rayagbee ree guial ma nayajc ree xi'n Dios. ¹⁷Abi' guial nayajc ree xi'n Dios dxel ma rayal ree ni guneeman zi'cgajc Jesucrist, bal wali yadaan ree guialzi zi'c laaman din yayal ree xanyabaa lod zojbaman.

¹⁸Ma benan xgab guial achet lasajc guialrzagdiaj ni caydüü

ree yan guial loj guialnaza'c ni yaca' ree xanyabaa. ¹⁹Abi' xt gra ree ni badxe' Dios loj guidxliuj, ma ŕen nejzdoo reen guidxin dxej guiguien chu ree nin naj xi'n Dios.

²⁰Din guidxliuj ma guxinan, per ad laatan rajp dol, Dios basa'n gac zian. Yan cabési guidxliuj guin ²¹yariin loj ree ni dxuudx ni yu', din yayajc nix da't zi'c goc chi gurechaawan, zi'cgajc laa ree xi'n Dios loj ree nidxuudx yu' loj guidxliuj guie. ²²Per la'tgaj cabéz guidxliuj guin guidxin dxej guin, dunuj ree rayagbee guial dád naya cazagdiaj zi'c rzagdiaj tijb b́engunaa chi ma gal xi'nman.

²³Abi' ad tijbtizi guidxliuj guin cazajc zian, ńegajc dunuj ree guial nabajnńe' ree xSprijt Dios zi'c tijb sen por ni gunee Dios duloj ree. Abi' cayzaagdiaj ree la'tgaj cayĺejz ree guidxin dxej ni guiguien guial nayajc ree xi'n Dios, dxej ni guidxaa dux cuerp ree chi yaya'p ree cuerp cúb. ²⁴Dunuj ree rayagbee guial gac zian, laan naj ni raléjz ree guialraliduladx ree ma nayajc ree perdon. Ĺejt ragbee bal ni raléjz ree ma gojcan, ad zalééztri reen din ad zajctri cwéz bejn ni ma gojc. ²⁵Per bal gad ni cayĺejz ree gac, ad rayalt yadxag ree yalééz ree gacan.

²⁶Abi' xSprijt Dios ragné dunuj ree chi ad rayagbeet ree xhie yaguieen ree, din yu' dxej loj hor guin ad rile't yarejdx yanaab ree Dios zi'c rayal. Abi' chi ad rayagbeet ree xhienaag yaguie'ch ree loj Dios, xSprijt Dios mal ragbee dux quiarguiejn ree, dxel laaman rbejdx rniab Dios por dunuj ree.

²⁷Abi' Dios, b́en núnbee luxdoo gra

ree bejn ragbeeman xhienin canab Sprijt guin lojman por dunuj ree. Din chi rniab Sprijt guin por ree xbejn Dios, laaman rniab por ree bejn zi'c ŕen Dios.

Achet zajc güün dunuj ree gan

²⁸Dunuj ree rayagbee guial gra ni cayza'c ree loj guidxliuj guie naj ni güün sirv par dunuj ree guial raýen ree Dios, dunuj ree guial bazoob ree xtiidxaman par yaguieen ree zi'c ŕenman. ²⁹Abi' diizd guia'xchej ma ragbee Dios chu ree nin chililadx laaman abi' gulejman laa reeman din guiban reeman zi'c Xi'nman Jesucrist, din Jesucrist naj b́en nabee loj gra ree b́en naj Xi'n Dios. ³⁰Gra ree b́en ragbee Dios guial chililadx reeman laaman, rbejdxaman laa reeman din gac reeman xbejnman, ŕijnman laa reeman cwent sin dol abi' rud́eeman xanyabaa loj reeman lod zojbaman.

³¹Yan, guial ma rayagbee ree gra ree ni guie, achet güünan chut́eéz güün xcontr dunuj ree, dunuj ree rayagbee guial Dios gagńe dunuj ree. ³²Ad gurexuut Dios nud́e Xi'nman din guiétaman por dunuj ree. Yan nacli Xi'nman baneeman persi güjtaman por dunuj ree, ¿diidxgui ree ni ren ree nid zuneeman duloj ree ya? ³³¿Chu zajc cwe'c dux guialquia ree nayajc ree b́en ma gulej Dios? Din Dios ma ńijn dunuj ree cwent sin dol. ³⁴Achut zajc na guial rayal ree casti, din Jesucrist güjt persi gudijxaman por dunuj ree. Abi' ad ziantzi, babanman abi' yan za'man xladbee Dios lod rnieeman por

dunuj ree. ³⁵Zi'c ŕen Cristo dunuj ree, achut zajc yala' dunuj ree con laaman. Ni'qui por gualyu'naya, o por gualzi, o por ni ŕijn bejn dunuj ree, o por gualrliaan, o por guial ryaadx du xab ree, o por tijb ni nadxeb, o guial yayéjt ree, achet zajc yala' dunuj ree con laaman.

³⁶Zi'c ŕeb loj xtiidx Dios:

Guial nayajcan xbejnl, zianczi nadxu'n loj gualgüjt.

Ŕijnńe reeman dunujn zi'c ree xiil ma naj guiét.

³⁷Per ni'qui tijb ni guin ad züjnt dunuj ree gan guial ragńe Cristo dunuj ree, b́en ŕen dunuj ree.

³⁸Ragbeechaawan guial ni'qui gualgüjt, ni'qui gualnaban, ni'qui ree anjl, o xindxab ree, o gra ree ni rajp gualrniabee, o ni cayajc, o ni źeéd gac, ³⁹o ni źeéd xanyabaa, o ĺen liuj, ni'qui tijb ni been Dios, achetczi achut t́eét zajc chiquied gualŕen Dios dunuj ree por dux Dad ree Jesucrist.

Dios gulej b́en Israel ree

9 Ĺejt ragbee guial naj naj xbejn Cristo, canin ĺejt diidxli ad canitan ĺejt ni rusquiee. Abi' naj ragbee guial xSprijt Dios ragbee guial diidxli naj ni canin ĺejt, ²guial guixie guixie dád yu'naya luxdoon, xt ni'quid radxejlt xhie günan. ³Balzianclaa majsi ad zayaltan perdon, majsi güün Cristo naj tiblاد, per bal zian chile' günan yudar b́en ladx reen chit́eé yayal reeman casti. ⁴Laa reeman naj b́en Israel, abi' laa reeman naj b́en gule Dios din gac reeman xbejnman. Abi' guguzjman con laa reeman zi'c form tijb zaj, baya'nńeman laa reeman

diidx conin güünman con tēēnin güün reeman, badēē tēē xleyaman loj reeman. Rēbaman loj reeman xhienaag guiēn reeman laaman, been tēēman promejs loj reeman. ⁵Zēēd reeman loj xdiaa ree bén been ree sirv loj Dios gulal, loj gajc ree bén zēēd Cristo chi bi'taman loj guidxliuj, laaman naj bén nagle' zianczi rajp tēēman guialrniabee loj gra ni yu'. Amén.

⁶Ad canitan guial ad zūjntri Dios xpromesaman cumplid, ni canin naj guial ad grat ree bén Israel naj xbejn Dios. ⁷Ad guial zēēdt reeman loj xdiaa Abraham din gac reeman xdiaaman, din rēb Dios loj Abraham: “Diidx xi'nl Isaac suloj xdiaal.” ⁸Laan ruliū dunuj ree guial ad por guial najt bejn bén Israel, ma najman xbejn Dios, xbejn Dios naj ree bén naj cwent loj xdiaa Abraham guial rililadx reeman xtiidx Dios zi'c Abraham. ⁹Din Abraham bililadxaman Dios chi rēb Dios lojman: “Zatib ijz tiamp guie gajc guialan abi' dxej zii ree ma ca' Sar tijb xindobēz.”

¹⁰Abi' ad laatzan. Grop ree xi'n Rebeca gojc xdad reex Isaac, bén goc dux béngulal ree, ¹¹⁻¹³per chi gad reex gal, chi ad wayūjn tēēt reex ni zagdxe ni'qui ni mal, rēb Dios loj Rebeca: “Xin yaloj guin laax güün sirv loj xinguiag guin.” Zi'c rēb loj xtiidx Dios lod rēb: “Guyēnan Jacob, per bidxe'chan Esaú.” Zian rguien guial ma ragbee Dios chu rbeman ad por ni rüjnt bejn, laaman ma ragbee chu rucaabeeman.

¹⁴Yan, ¿por zian yaguie'ch ree ya, ad rüjnt xguialguxtis Dios zi'c

rayal? ¡Per ad ziantan! ¹⁵Din Dios rēb loj Moisejs: “Yayan bén rēnan yayan abi' bén rayal ree casti, bal rēnan ad zudēēdtan laa reeman casti.” ¹⁶Zeel ad zile't yaya Dios bejn por xixgabzaman o por ni rüjnman, laaman mal ragbee chu rēnman yayaman. ¹⁷Loj xtiidx Dios rēb guial rēbaman loj rey Egipto: “Naj ben lūj rey din guiguien da guialrniabeen din güünbee gra bénguidxliuj naj.” ¹⁸Zeel rnin lojdi guial ma ragbee Dios chu yayaman chu tēē güünman luxdoo gojl.

¹⁹Per wed por zian nadi: “Bal zianan, ¿chexquiza zeel rdx'e'ch Dios guial nayajc ree zi'c nayajc ree awa ad zajct yadxoon ree zi'c naj xixgabaman?” ²⁰Per, ¿chu naj bénguidxliuj din guinieeman Dios zian? Wen zajc guiēb tijb guiajs loj bén been laan ya: “¿Chexc zeel beenl naj zian?” ²¹¿Nid bén rüjn guiajs guin rüjnnē bajn guin zi'ctzi rēnman ya? Laaman ruguiaa xhie güünnēman bajn guin, bal güünman guiajs güün dxiin guixie guixie o güünman guiajs güün dxiin dxej zojblojzi ree.

²²Yan, ziangajc Dios ma ragbeeman chu rayal casti, abi' xt zajc laa nudēēd gajcaman casti din guiguien xguialrniabeeman. Per gudaanman gojp tēēman pacens bén ad ruzoobt ree diidx, bén rayal ree nit. ²³Gudaanman laa reeman din guiguien guial laaman guinia xhienaag güünman, guial laaman naj bén ca' guialrniabee abi' bayaman bén ragbeeman diidx guia'xchej guial yayal reeman xanyabaa. ²⁴Abi' laa reeman naj dunuj ree bén ma gurejdx Dios, loj

ree b́en Israel n̄e loj ree b́en ad najt b́en Israel. ²⁵Zi'c ca loj libr ni bacaa Oseas b́en bad̄e xtiidx Dios loj ree bejn, lod r̄eb:

B́en ad najt ree da bejnan,
guīen loj reeman guial naj
reeman da bejnan,
abi' ree b́en ad yu't b́en r̄en laa
reeman,
naj guīen laa reeman.

²⁶Abi' lod r̄eb Dios loj ree bejn:
“Ad da bejntan l̄ejt”.

Yagaj gac reeman xbejnman,
laaman guial najman b́en
naban.

²⁷Guīaad Isaías b́en bad̄e xtiidx Dios loj ree bejn, r̄ebaman por ree b́en Israel: “Majsi zien da't naj ree b́en Israel zi'c ūx riga' ro' nijsdoo, per ta'nz naj ree b́en laa loj casti, ²⁸din Dios nayob ḡūin cumplid xtiidxaman loj guidxliuj guie zi'c ma r̄ebaman.” ²⁹Abi' diizd gocli r̄eb Isaías loj ree bejn:

Bal nitījyb dux Dad ree Dios
b́en rajp gra guialrniabee
niniyt gra ree dux b́engulal ree,
diizd gocli mal guniyt dux diaa
ree
zi'c gunit ree b́en Sodoma n̄e
ree b́en Gomorra.

**B́en ad najt ree b́en Israel ma
naj reeman perdon loj Dios**

³⁰Yan, ¿xhie yaguie'ch ree?
B́en ad najt ree b́en Israel ni'quid guyut reeman xgab xhienaag gac reeman perdon loj Dios, per yan ma naj reeman perdon guial r̄iladx reeman Jesucrist. ³¹Abi' ree b́en Israel majsi dád been reeman naguiejn guiban reeman zi'c rniabee ley din gac reeman perdon

loj Dios, per ad gojctan. ³²¿Chexc zeel ad bile't niajc reeman perdon zian? Guial mazri been reeman naguiejn nibajn reeman zi'c rniabee ley luar nililadx reeman Dios zi'c rayal chililadx reeman din gac reeman perdon. Zian gojc Cristo par laa reeman zi'c tijb “guiaj ni r̄liadx guia' bejn” ³³zi'c ca loj xtiidx Dios lod r̄eb:

Ma gulen tijb bejn luguiedx
Síon, b́en gac zi'c tijb guiaj
ni ladx guia' ree bejn abi'
gusajban laa reeman.

Abi' b́en chililadx laaman ad
yu't dxej yaya'nxtuman.

10 Compniar raliduladx ree Jesucrist, ni r̄enan rniaab t̄een loj Dios naj guial gac ree b́en Israel perdon. ²Din naj ragbee guial dád caȳijn reeman naguiejn caȳijn reeman sirv loj Dios, per diidxli ad rignia't reeman zagdxe xhienaag r̄en Dios ḡūin reeman. ³Din ad r̄tījybt reeman chililadx reeman xhienaag rayal ḡūin reeman din gac reeman perdon loj Dios, al zinal reeman zi'c naladx reeman gac reeman perdon, luar ḡūin reeman zi'c r̄en Dios din gac reeman perdon. ⁴Din por Jesucrist bayaaloj zi'c rniabee ley ḡūin bejn, yan b́en r̄liladx ree laaman, ma naya reeman loj Dios.

⁵B́en r̄en gac naya loj Dios guial zinalaman ley, r̄eb Moisejs guial b́en ḡūin zi'c tal r̄eb ley, zajpaman guialnaban la'tgaj caȳijnman zi'c rniabee ley guin. ⁶Per guial rajc bejn naya loj Dios por guial r̄liladxaman Jesucrist, naj guial ad z̄ujntaman xgab: “¿Chucz̄i zajc ch̄e'p xanyabaa?” (Din r̄en guīeban

guial ad riladxtaman, abi' ŕenman guguaaman guiat Cristo loj guidxliuj.) ⁷Ad guiēb t́eēman: “¿Chu zajc che lod za' ree bengüt?” (Din ŕen guiēban guial ad riladxtaman, abi' ŕenman guguaaman yaban Cristo loj ree bengüt.) ⁸Per loj xtiidx Dios ŕeb: “Gajxh za' xtiidx Dios con ĺuj, ryaadxzi güünl xgab guiēb t́eēl bal chililadxil laan.” Din guialrliladx ni ratie'ch ree naj ze. ⁹Bal yaneero'l guial Jesús naj Dad par ĺuj abi' guidib luxdool chililadxil guial basban Dios laaman loj ree bengüt, dxel ma najl perdon. ¹⁰Din chi chililadx bejn Jesucrist con guidib luxdooan, diizd loj hor zii ma najman cwent sin dol. Abi' chi yaneero'man guial Jesucrist naj Dad par laaman, dxel ma najman perdon.

¹¹Abi' loj xtiidx Dios ŕeb: “Gra ree b́en chililadx laaman ad yu't dxej yaya'nxtu reeman.” ¹²Laan ŕen guiēb guial loj Dios tiblojzi naj bejn, achet güünan chutēēz najman, bal najman b́en Israel o ad najtaman b́en Israel. Din tijbzi Dios naj Dad par dugra ree, abi' dád benza'can con gra ree b́en rbejdx rniab laaman. ¹³Din loj xtiidx Dios ŕeb: “Gra b́en yanab perdon loj Dios, gacaman perdon.”

¹⁴Per, ¿xhieza naag cwedx guiniab reeman laaman awa ad waliladxt reeman laaman? ¿Abi' xhieza naag chililadx reeman laaman awa ad wacaagdiajgt reeman xcwentaman? ¿Xhienaag guiguiejn reeman xcwentaman awa achut b́en guinee xtiidxaman loj reeman?

¹⁵¿Xhienaag chu' b́en guitie'ch xtiidxaman awa achut guixhiaal laa

reeman? Loj xtiidx Dios ŕeb: “iNi za'cdxoon naj chi rdxin b́en zinē ruson zagdxe!”

¹⁶Per ad grat bejn ridxga' xtiidxza'c Dios. Zi'c ŕeb Isaías: “Dad, ¿chu ma riladx ni ranen por ĺuj?” ¹⁷Zeel guialrliladx źeēd por ni rigueijn bejn, abi' ni rigueijn bejn naj xtiidxza'c Jesucrist.

¹⁸¿Wen nid wagueijn ree bejn laan ya? iPer naj rni guial ma bacaagdiajg reeman laan! Din loj xtiidx Dios ŕeb:

Guidib guidxliuj ma bire'ch xtiidx Dios
abi' xt luar bigra lod naguie'ch
ma bigueijn reeman
xtiidxaman.

¹⁹Yan ŕunan xgab: ¿Wen id rignia' ree b́en Israel xtiidx Dios ya? Per diizd guia'xchej bacaa Moisejs ni ŕeb Dios por laa reeman chi ŕebaman:

Naj güün din t́edlojdi por ni güünan
con ree b́en ad najt b́en Israel.
Nē por ni güünan con laa reeman,
majsi ad ragbeet reeman, abi'
zadx'e'chidi.

²⁰Abi' sin guialrdxeb bacaa Isaías ni ŕeb Dios por ree b́en Israel, chi ŕebaman:

B́en naj ree b́en Israel, majsi ad baguiilt reeman naj,
per badxejl reeman naj.
Abi' ma balulon loj reeman,
majsi ad gunabdiidxt reeman
por naj.

²¹Bacaa t́eē Isaías ni ŕeb Dios por ree b́en Israel, chi ŕebaman: “Dēchej za'n rbedxan bejn ree abi' ad ŕent reeman guzoob reeman diidx al rusagloj reeman naj.”

Xixgab Dios

11 Ad canitan lojdi guial ma gulëeladx Dios bén Israel ree, din ad ziantan. Lëjt ragbee guial bén Israel naj abi' loj xdiaa Abraham zialan, guial zialan loj xdiaa Benjamín. ²Diizd guia'xchej, gulej Dios bén Israel ree din gac reeman xbejnman, zeel ad rbëeladxtaman laa reeman. ¿Nid rusaaladxidi tiblajt loj xtiidx Dios ya lod zëed chi gule'c Elías bén badëe xtiidx Dios loj ree bejn xguialquia ree bén Israel loj Dios? Chi rëbaman: ³“Dad, ma bagüjt reeman gra ree bén badëe xtiidxil loj ree bejn ma bachijl tëe reeman xialtar reel, najzi baya'n abi' nëgajc naj rën reeman gugüjt reeman.” ⁴Per badxi' Dios xtiidxaman rëbaman: “Ma gulëcan gajdx mil bejn par naj, bén ad wazuxibtczi ree loj dios la Baal.” ⁵Yan ziangajc yu' ta'n bén Israel, por guial rayaman laa reeman gulejman laa reeman par laaman. ⁶Abi' bal guial rayaman laa reeman gulejman laa reeman, ad por ni cayüjnt reeman, din bal nibejman laa reeman por ni cayüjn reeman dxel ad por guial rayatraman laa reeman. ⁷Zian gojc, bén Israel bén gule Dios, badxejl reeman laaman guial rliladx reeman laaman. Per ree bén Israel ren gad reeman yadxejl laaman, din raguiil reeman laaman zi'c naladx reeman, ad raguiilt reeman laaman zi'c rënman zeel beenman luxdoo reeman gojl, ⁸zi'c rëb loj xtiidx Dios lod rëb: “Basiaaw Dios xquiargueijn reeman, abi' naj reeman zian xt yandxej, majsi

ruguiaa reeman per ruliüü ad ruguiaat reeman, abi' majsi rigueijn reeman per ruliüü ad riguejnt reeman.” ⁹Rëb tëe Davi:

Xguialraw zagdxe reeman con gra xguialnaza'c reeman laan gusquiee laa reeman guial zëqui reeman zagdxe. Laan gusquiee laa reeman din téd reeman casti ni rayal reeman.

¹⁰Yaya'n reeman zi'c tijb bén ad ruguiaat, abi' sac reeman zi'c tijb bén ca bëw xijch.

Gac ree bén ad najt bén Israel perdon

¹¹Ad canitan lojdi por guial ad rtiëjbt ree bén Israel güün reeman zi'c rën Dios zeel ma gunijt reeman loj Dios, din ad ziantan. Guzajc reeman zian din chu' mod gac ree bén ad najt ree bén Israel perdon, din chile' sëëbladx ree bén Israel gap reeman perdon guin. ¹²Yan bal guial ad bazoobt ree bén Israel diidx, beenan sirv par din yayal los demazri ree bénguidxliuj xguialnaza'c Dios, bén ad najt ree bén Israel. Yan, çrüyndi xgab ya xhienaag güünle' Dios bejn ree chi tiëb ree bén Israel güün reeman zi'c rën Dios?

¹³Yu' ni rënan ganin lëjt bén ad najt ree bén Israel, lëjt ragbee guial Dios guxhaal naj din gün xtiidxaman lojdi abi' dád cayünan naguiejn günan zi'c rayal. ¹⁴Rënan guial ree bén ladx reen bén Israel ree sëëbladx zi'c rünjdi din güün reeman zian din chile' gac reeman perdon. ¹⁵Walican guial chi ad

bazoobt ree b́en Israel xtiidx Dios, guyu mod gojc los demazri ree bejn perdon. iPer xi nix chi chililadx reeman xtiidx Dios! Laan naj zi'c chi yaban tijb bengüt zatijb. ¹⁶Abi' zi'c chi beenle' Dios b́en Israel ree gulal laan naj tijb sen guial güünle'man los demazri ree b́en Israel, ziangajc bal güünle' Dios xliuj tijb yag guidib yag guin ma nagle'.

¹⁷B́en Israel ree naj reeman zi'c tijb yag olivo, per yu' reeman naj zi'c xidx yag olivo guin ni ma gurug. Abi' lüj guial ad najtil b́en Israel najl zi'c tijb xidx yag olivo ni yu' dajn ni rguuid lod biru' xidx yag olivo guin, zeel rajpil guialnaban por xliuj yag guin. ¹⁸Zeel ad naladxil guial mazri zagdxen najl guial loj yag oliv ni rnin naj ree b́en Israel. Per bal rüjnl xgab zian, basaaladx guial ad lüjt cudëë guialnaban loj xliuj yag guin, xliuj yag guin cunee guialnaban lojl.

¹⁹Wed zanal: "Walican, per gurug xidx yag olivo guin persi guyu'n xluaran din gacan tijbzi con yag olivo guin." ²⁰Waliquil, per xidx yag olivo ni canin naj ree b́en Israel, gurug reen guial ad bililadxt reen abi' lüj guyul xluar reen guial rliladxil. Zeel ad rüjnl nabë, zagdxeli gojp cudad. ²¹Din bal b́en Israel ni canin naj ree xidx yag guin, ad bayat Dios laa reeman, ziangajc zajc saquil. ²²Gogbee guial benza'c naj Dios, per ziangajc diidxli rüjn xguialguxtisaman. Ma been xguialguxtisaman con ree b́en ad bazoobt xtiidxaman, abi' ma beenman ni zagdxen con lüj. Per ryal guibanl zi'c rënman, bal id

züjnl zian züjn xguialguxtisaman con lüj. ²³Abi' bal yayejc ree b́en Israel con Dios, abi' chililadx reeman perdon ni zëed por laaman, züjnman laa reeman cwent con los demazri ree b́en Israel rliladx. Din laaman rajp guialrniabee par yayüjnman laa reeman tijbzi con los demazri ree b́en Israel. ²⁴Din lüj guial ad najtil b́en Israel, lüj guial canin najl zi'c tijb yag olivo ni yu' dajn, zile' niajquil tijbzi con yag olivo zagdxen ni rnin naj ree b́en Israel, idiixgui ree b́en Israel ni ad ruzoobt ree xtiidx Dios, nid zayajc reeman tijbzi ya con los demazri ree b́en Israel bal guzoob reeman xtiidx Dios!

Gac ree b́en Israel perdon

²⁵Compniar raliduladx ree Jesucrist, yu' ni ad ragbeetidi abi' rënan gagbeedan, chitëë güüindi nabë. B́en Israel rüjn ree nad par guzoob reeman xtiidx Dios, cayajc zian xt chi ma bayaaloj bililadx ree b́en ad najt ree b́en Israel, b́en ma naj ree par chililadx xtiidx Dios. ²⁶Chi ma gojc zian, dxel graczi ree b́en Israel ma güüncwent xtiidx Dios. Zian gac reeman perdon, zi'c rëb loj xtiidx Dios lod rëb:

Luguiedx Sión za b́en gagnë ree b́en zëed loj xdiaa Jacob.

Din yariica reeman loj nejz mal zinal reeman.

²⁷Dxel gac cumplid da diidxan, Zi'c ma rën loj reeman guial günan perdon xtol reeman.

²⁸Per yan guial dád nad ree b́en Israel par chililadx reeman xtiidxza'c Jesucrist, zian yu' mod persi rliladxidi guial ad najtidi b́en

Israel. Abi' majsi zian, ŕen gajc Dios laa reeman zi'c beenman promejs loj ree xbéngulal reeman. ²⁹Din Dios ad ruchaat xixgabaman, ni ma bazaladxaman loj bejn, ad rquiedtaman laan, ad rbéeladx téétaman b́en ma gulejman par laaman. ³⁰Gocli ad binaltidi xnejz Dios, per yan por ree b́en Israel ad ruzoobt xtiidx Dios, ma balüüman léjt guial rayaman léjt. ³¹Abi' bal yan ad ruzoobt ree b́en Israel xtiidx Dios, cayajc zian din yayaman léjt, per chi guidxin dxej ziangajc yayaman laa reeman. ³²Cwëjb Dios guial zi'c ree b́en Israel në ree b́en ad najt b́en Israel ad zuzoobt reeman xtiidxaman, din gac yayaman gra reeman tiblojzi.

³³iDád zro' naj xguialrignia' Dios, në xguialrajcaman con xguialnaza'caman! Achut zajc gagbeechaaw xhienaag naj xixgab Dios o ni cayüjnman. ³⁴Zi'c ca loj xtiidxaman lod rëb: “¿Chu zajc gagbeechaaw xhienaag naj xixgab dux Dad ree Dios? ¿Chu mazri rajc din guiëb lojman xhienaag güünman? ³⁵¿O chu ma badëë xhienin lojman din cwëzaman quixaman laaman?” ³⁶Xieenman naj gra ni yu', laaman been laa reen abi' par laaman naj gran. Zeel rayal gap bejn laaman respejt zianczi. Amén.

Guialnaban cüb

12 Zeel compniar raliduladx ree Jesucrist, rniaaban lojdi, zi'c ma baya Dios dunuj ree, gol basa'n léjt loj Dios zi'c tijb gon ni ma nagle' ni yayuladx téëman, din guibandi zi'c ŕenman, abi' zian

guiëndi laaman. ²Ad guibanridi zi'c nabán los demazri ree b́en yu' ree yan, zagdxeli gol bachaa xixgabidi din gac guidxaa zi'c nabandi abi' zian gagbeedi xhienaag ŕen Dios guibandi. Zian gagbeedi conin naj zagdxe, conin ruladxaman, con téënin naj xnejz.

³Guial naj Dios benza'c baneeman dxiin guie lon din guialan ganen xtiidxaman lojdi. Zeel rnin lojdi ni'qui tijbidi ad rayalt güün nabë guial mazri lasajquidi loj ree bejn. Zagdxeli gol been xgab por léjt zi'c rayal, segun naj quiarguejn ni banee Dios loj tijbgajdi. ⁴Din zi'c xcuerp bejn zien la' najn, per ad tijbtzi ni rüjnan. ⁵Ziangajc dunuj ree guial raliduladx ree Jesucrist, majsi zien nayajc ree, per por guialraliduladx ree zeel nayajc ree tijbzi con Cristo, per tijbgajc dunuj ree con ni rayal yaguieen ree din yaguieen yudar du lasa' ree.

⁶Din tijbgajc dunuj ree garent garen naj quiarguejn ni baca' ree, zi'c naj ni guyën Dios baneeman dunuj ree. Zeel bal ma baneeman quiarguejn du loj ree par yanee ree xtiidxaman, rayal yanee ree laan loj ree bejn, rayal yanee ree laan por guialraliduladx ree. ⁷O bal baneeman quiarguejn par yaguieen ree sirv ben ren ree, rayal yaguieen reen zi'c rayal. B́en cwa' quiarguejn par gulüüman bejn ree xtiidx Dios, rayal gulüüman bejn ree. ⁸O b́en cwa' quiarguejn par gudëëman consejw loj ree bejn, rayal gudëëman consejw. Guiáad b́en cwa' quiarguejn par yazaladxaman xhienin loj ree bejn, rayal yazaladxaman con

guidib luxdooan. Abi' b́en cwa' quiarguejn par nabeeman, rayal gapaman cudad nabeeman zi'c rayal, o b́en cwa' quiarguejn par gúünman yudar b́en cazagdiaj ree, rayal chu' luxdooan zagdxe gúünman laa reeman yudar.

Ni rayal gúün ree b́en rliadx Jesús

⁹Gol guyèn lasa'di con guidib luxdoodi, gol basa'n ree ni mal tiblax, gol binal ni zagdxe. ¹⁰Gol guyèn gra ree bejn zi'c tijb bijchidi, ad rújn lèjt gajc benro', gol gojp respejt lasa'di.

¹¹Ad gaquidi b́en ploj par gúündi ni rayal gúündi, con guidib luxdoodi gol been sirv loj Dios.

¹²Gol badxe' luxdoodi zagdxe por ni cabèzidi tia'di, gol gudaan tèè loj ni rzagdiajdi, ad gucwèèz cwedx guiniabidi Dios.

¹³Chi xhie ryaadx xcompniaridi, b́en rliadx ree Jesucrist, gol been reeman yudar. Gol gojc benza'c con ree b́en ri't lidxidi.

¹⁴Gol gurejdx Dios por ree b́en rzunal lèjt par gúün reeman lèjt ni mal, ad guzaalidi diidxmal guijc reeman, gol gurejdx Dios guial gagnëman laa reeman.

¹⁵Gol badxe' luxdoodi nix con ree b́en yu' luxdoo nix, per con ree b́en yu' luxdoo naya, gol been naguiejn din gagbee reeman guial za'quidi con laa reeman.

¹⁶Gol gubajn zagdxe con ree lasa'di, ad gúündi nabë, gol gojc b́en naxanladx. Ad naladxidi mazri rajquidi guial loj ree ben ren.

¹⁷Ad gúündi ni mal b́en rújn lèjt ni mal, gol been naguiejn gúündi ni zagdxe loj gra ree bejn. ¹⁸Gol been

naguiejn da't din cwenëdi bejn ree zagdxe. ¹⁹Compniar raliduladx ree Jesucrist, ad rgu' guialxyajn luxdoodi con ree b́en rújn lèjt xhienin, gol basa'nan loj Dios, laaman gúün xguialguxtis, zi'c rëb loj xtiidxaman, lod rëb: “Naj naj b́en rayal gúün xguialguxtis, gudë tèen ni rayal bejn. Zian rëb dux Dad ree Dios.” ²⁰Rëb tèëman: “Bal rliaan b́en rdx'e'ch lüj, badëèd ni gawaman, o bal re'caman nijs, badëèd ni guië'man, zian guguaial yatuman.” ²¹Ad bal tiëbil gúün ni mal lüj gan, been ni zagdxe din gúünl ni mal guin gan.

Royal yaya'p ree guxtis respejt

13 Gra bejn rayal gucaagdiajg xtiidx gobiarn nè xtiidx gra ree guxtis. Din por Dios yu' ree gobiarn nè gra ree guxtis, por laaman zëèd guialrniabee ni rajp reeman. ²Zeel b́en ad ruzoobt xtiidx ree b́en rniabee guin, rën guiëban guial ad rënt reeman gúün reeman zi'c rniabee Dios. Abi' ree b́en rújn zian laagajc reeman rguuil xcasti, ³din b́en rajp ree guialrniabee ad za't reeman par guchejb reeman b́en rújn ree ni zagdxe, za' reeman par guchejb reeman b́en rújn ree ni mal. Yan bal rënl guibanl guial ad zadxebtil b́en ca' ree guialrniabee, gubajn zagdxe din yaya'n'l zagdxe loj reeman. ⁴Din laa reeman cayüjn reeman sirv loj Dios din yalaj reeman lüj. Per bal cayüjnl ni mal, zadxebil b́en ca' ree guialrniabee, din ad ca' xlia'tzi reeman guialrniabee guin, laa reeman cayüjn sirv loj Dios din gudëèd reeman casti b́en rújn ree

ni mal. ⁵Zeel rayal guzoobidi xtiidx ree b́en ca' ree guialrniabee, ad gũũndi zian naabzi par ad zayaltidi casti, gol been zian guial ragbeedi zian rayal gũũndi. ⁶Gol gudijx t̃eẽ impuest, din gusnuu nabee ree b́en ca' ree guialrniabee, din laan naj mandad bayal reeman par gũũn reeman sirv loj Dios.

⁷Zeel gol bad̃eẽd ni rayal gud̃eẽdidi, bal rayal cwe'quidi milia, gol gule'can o bal rayal quixidi impuest, gol gudijxan. Gol bazoob xtiidx b́en rayal guzoobidi xtiidx, gol gojp respejt b́en rayal respejt.

⁸Gol been naguiejn gol baguix ni ralidi loj ree bejn, abi' ad rayalt gucw̃eẽz guiẽndi bejn ree. Din b́en r̃en bejn ree, ma cayũjnman cumplid gra ni rniabee xley Dios.

⁹Xmandamient Dios r̃eban: “Ad suñel b́en ren b́en ad najt lacheelil, ad gugũjtil bejn, ad cw̃anl, ad s̃eẽbladxil ni rajp ben ren”, per mandamient guie ree, con ree xmandamient ren Dios rajc cumplid con tijb mandamient r̃eb: “Guỹen ben ren ree zi'c r̃en lũj gajc.” ¹⁰Din b́en r̃en bejn ree ad zajct gũũnman laa reeman ni mal guial r̃enman laa reeman. Zeel con guial r̃en lasa' bejn rayaaløj r̃ũjnman gra ni r̃eb loj xley Dios.

¹¹Gol gogbee xhie tiamp nadxu' ree yan, gol gogbee guial ma gojl yatie'ch dux bacaal ree. Din yan ma zidyob dxej gui't Jesucrist guial loj chi guzuløj qui baliduladxri ree xtiidxza'caman. ¹²Mazri caydop tiamp guin, abi' mazri cabig dxej gui'taman, zeel rayal yasa'n ree ni riñe dunuj ree loj nejz mal, abi' yaguieen ree naguiejn yaguieen

ree ganax ni zagdxe din yunaal ree nejz zagdxe. ¹³Rayal yabajn ree zagdxe zi'c rayal, ad yaguieen ree ni natu. Ad yaziũdx ree, o ad rayalt yaguieen ree lanij naabzi par chu' mod yaguieen ree ni dxuudx. Ad rayalt suñe bejn ben ren b́en ad najt lacheelaman, o guial gapaman graloj vijs, o guialrdil o guialrd̃edloj. ¹⁴Gol basa'n l̃ejt gajc loj dux Dad ree Jesucrist, ad rayalt guibandi zi'ctzi r̃endi.

Ad gusa'nxtudi b́en qui r̃liladxri xtiidx Dios

14 Zagdxe gol guneeñe b́en qui r̃liladxri Jesucrist ad gusa'nxtudi laaman guial mazri rajquidi guial lojman. ²Din yu' ree b́en r̃liladx Jesucrist naladx reeman zajc gaw reeman xhiet̃eẽz nin, per yu' ree b́en qui r̃liladxri naladx reeman guial zagdxeli naj ad zajwt reeman b̃eẽl. ³B́en r̃ũjn xgab guial zajc gawaman xhiet̃eẽz nin, ad rayalt gũũnman tiblad b́en naladx yu' ni ad zajct gaw bejn. Guiáad b́en r̃ũjn xgab guial yu' ni ad zajct gaw bejn, ad rayalt guze'man b́en naladx zajc gaw bejn xhiet̃eẽz nin. Din niz loj Dios tiblojzi ma naj reeman xbejnman. ⁴Zeel, ¿chu naj bejn din guze' xcompniaraman b́en r̃liladx Jesucrist por niguinzi ree? Diosqui ragbee bal cayũjnman ni zagdxe o cayũjnman ni mal. Abi' bal ad wayignia'taman xhienaag gũũnman, dxel dux Dad ree Jesucrist rajp guialrniabee par gagñeman laaman gũũnman zi'c rayal.

⁵Ziangajc yu' ree dux compniar ree b́en raliduladxñe' ree Jesucrist

naladx reeman guial yu' dxej zobjloj, yu'za ree bèn naladx guial tiblojzi naj gra dxej, per achet güünan, tijbgaj bejn con ni naladxaman naj zagdxe par laaman. ⁶Din bèn rüjn xgab guial yu' dxej zobjloj, rüjnman zian persi rënman Dios. Guiáad bèn naladx guial tiblojzi naj gra dxej, rüjnman zian persi rënman Dios. Abi' bèn raw graloj, rawaman guial yu'gujcaman guial por Dios zëedan abi' rudëeman quixtëe lojman. Guiáad bèn naladx guial yu' ni ad zajct gaw bejn, rüjnman zian guial naladxaman zian cayajpaman Dios respejt abi' rudëeman quixtëe lojman.

⁷Ni'qui du tijb ree ad nabant ree por dux xgabzi ree, o ad zayëjtt ree por dux xgabzi ree. ⁸Bal nabajn ree por dux Dad ree Jesucrist par laa tëeman nabajn ree. Abi' bal yayëjt ree por laaman par laa tëeman yayëjt ree. Zeel bal nabajn ree o yayëjt ree, par dux Dad ree Jesucrist ma nayajc ree. ⁹Din par zian güjtaman abi' babanman, din gacaman Dad loj ree bèn naban në loj ree bèn ma güjt.

¹⁰¿Chexquiza din guze' lasa'l bèn rililadx Jesucrist o güün lasa'l tibladya? Awa dugra ree rayal yadxu' loj Dios din yadëed ree cwent lojman.

¹¹Zi'c ca loj xtiidxaman lod rëb:

Naj naj Dios naban,
abi' diidxli rnin lojdi guial gra
ree bejn guzuxib lon.

Abi' gra ree bejn guiëb guial naj
naj Dios.

¹²Abi' tijbgaj dunuj ree rayal yadëed ree cwent loj Dios, per por dunuj gajc ree.

Ad gusajbidi bejn loj dol

¹³Zeel ad rayalt yaneeguijdx du lasa' ree bèn rililadx ree Jesucrist, zagdxeli yaguieen ree naguiejn yaya'p ree cudad chitëe por dunuj ree güün reeman dol. ¹⁴Naj najn xbejn Jesús, ragbeen guial ad dolt naj gaw bejn xhietëëznin. Per par bèn naladx guial ad zajct gawaman xhietëëznin, par laaman dolan cayüjnman bal gawaman xhietëëznin. ¹⁵Yan bal por ni rawil naladx tijb xcompniaril bèn rililadx Jesucrist guial dolan cayüjnl, abi' bal id ridxga'l laaman rën guiëban guial ad rëntil laaman. Gojp cudad chitëe por ni rawzil güün xcompniaril dol, din nëgajc por laaman güjt Jesucrist loj crüjz. ¹⁶Ad güünl tijb ni guinieeguijdx ree xcompniaril lüj, majsi lüj ragbee guial ad ni malt naj ni cayüjnl. ¹⁷Niz loj Dios ad ni rawt bejn o ad ni rë'taman naj ni lasajc, ni lasajc par laaman naj guial guiban bejn xnejz, yabedxe luxdoo bejn, chu' tëe luxdoooman nix por xSprijt Dios. ¹⁸Abi' bèn naban zian guial zinalaman Jesucrist, cayüjnman zi'c rën Dios, zi'c ruladx tëe bejn.

¹⁹Zeel rayal yaguieen ree naguiejn yabajnnë' du lasa' ree zagdxe yabedxe tëe du luxdoo ree, din yasnuu yayagbee ree xhienaag yunaal ree xnejz Dios. ²⁰Gol gojp cudad chitëe por ni rawzidi gunijtidi tijb xbejn Dios. Walican graczi zajc gaw bejn. Per ni mal guin naj bal par xcompniaril dolan cayüjnl. ²¹Zeel zagdxeli naj guial ad zajwtil bëel ad zë' tëetil vin o xhie stijb nin bal por laan güün

xcompniaril dol. ²²Majsi luj ragbee guial achet giüünan gaw bejn xhietëëznin, per zagdxeli lüjzi con Dios. Naj rni guial, ixiquilbaa b́en ad yu'nawëëgt luxdoo rawaman xhietëëznin! ²³Per b́en yu'nawëëg luxdoo par gawaman xhienin, abi' gawaman laan laagajcaman ma cayüjn dol guial ad cayawtraman guidib ladxaman. Bal naladx bejn ad laat naj ni cayüjnman, dxel laagajcaman cayüjn dol.

Royal yaguieen ree ni
naladx bejn naj zagdx

15 Yan, dunuj ree guial ma nadxu'dxi'ch ree loj ni raliduladx ree Jesucrist, royal yaguieen ree yudar b́en ad wazudxi'cht loj guialrliladx Jesucrist luar yaguieen ree ni rayentzi ree, ²dugra ree royal yaguieen ree naguiejn din chu' luxdoo dux compniar ree zagdx con dunuj ree. Abi' royal yaguieen ree ni naladx reeman naj zagdx, din chile' gusnuu giüünbee reeman xnejz Dios. ³Din ni'qui Jesucrist ad beent zi'c naj xixgabaman, gojc zi'c ca loj xtiidx Dios lod rëb: “Naj bayal gra ree diidx mal ni ninia reeman lojl.” ⁴Gra ni ca loj xtiidx Dios, can din yayagbee ree xhienaag yabajn ree, abi' por xtiidx Dios zëëd pacens në guialragnë chitëë yalenyá' ree yalëjz ree ni ralëjz ree yaca' ree. ⁵Dios, b́en razaladx pacens në guialragnë chitëë yalenyá' ree, laaman gagnë lëjt din guibandi nadxag con gra ree xcompniaridi zi'c naj xixgab Jesucrist. ⁶Din tiblojzi guilies reeman xvalor Dios, dxad dux Dad ree Jesucrist.

Bire'ch xtiidx Dios loj ree
b́en ad najt b́en Israel.

⁷Zeel, zi'c baca' Jesucrist lëjt par gaquidi xbejnman, ziangajc gol guneenë ree xcompniaridi zagdx, b́en rliladx ree laaman par guiliesidi xvalor Dios. ⁸Gol basaaladx guial bi't Cristo loj guidxliuj par gulüüman b́en Israel ree xtiidx Dios, zian bidgaguieenman sirv loj reeman, persi gojc cumplid promejs ni been Dios loj ree xbéngulal reeman, abi' zian biguien guial rüjnqui Dios cumplid xtiidxaman. ⁹Bi't tëë Cristo loj guidxliuj din por laaman, b́en ad najt ree b́en Israel guilies reeman xvalor Dios guial rayaman laa reeman, zi'c ca loj xtiidxaman lod rëb:

Xt loj ree b́en ad najt b́en Israel
guzatan luj
guial najl benza'c.

Gol tëen cant ree par luj.

¹⁰Ziangajc rëb zatibljat loj xtiidx
Dios:

Lëjt b́en ad najt ree b́en Israel,
gol babaa zi'c rabaa ree b́en
Israel.

¹¹Zatibljat loj xtiidx Dios rëb:
Gra ree b́en ad najt b́en Israel.
Në los demazri ree bejn, gol
gules xvalor Dios.

¹²Rëb tëë Isaías:

Loj xdiaa Isaí, grii tijb b́en
nabee bénguidxliuj ree,
xt ree b́en ad najt b́en Israel,
chililadx laaman.

¹³Dios b́en ragnë dunuj ree ralëjz
ree ni caylëjz ree, laaman yagu'
luxdoodi zagdx yabe'cdxe tëëman
luxdoodi guial rliladxidi laaman,

din cẃez da'tidi ni guneeman por xSprijt Dios.

¹⁴Compniar raliduladx ree Jesucrist, naj ragbeechaaw guial zagdxe nabandi con ree xcompniaridi, ma ragbee t́eđi zagdxe xhienaag chinalidi xnejz Dios, xt rajc rud́eđidi consejw ruliú t́eđ xcompniaridi. ¹⁵Per majsi zian, tio'p choon lajt loj gui'ch guie bacan diidx naa, din yasaaladxidi xhienaag guibandi. Ŕunan zian por guialrniabee ni ma banee Dios naj, ¹⁶din ǵunan sirv loj Jesucrist. Din da dxiinan naj gulún b́en ad najt ree b́en Israel xtiidxza'c Dios din guiban reeman zi'c ŕen Dios, din gac reeman naya niz lojman por xSprijtaman. ¹⁷Ra'pan xhie ǵunn'e'n nab́e, guial ragńe Jesucrist naj por ree dxiin cayúnan por Dios. ¹⁸Per achetczi zajc guíen bal id źen guial por Cristo cayúnan laan, din laaman cayagńe naj persi cayúnan yudar b́en ad najt ree b́en Israel din gac chililadx reeman guzoob t́eđ reeman xtiidx Dios. Yan ma rliladx reeman laaman por ni ŕen loj reeman ńe por guial ruguiaa reeman xhienaag nabanán, ¹⁹ńe guial ma baguiaa reeman sen ree con ree milagr ni ma gojc por xguialrniabee xSprijt Dios. Zian ma gutiechan xtiidxza'c Jesucrist guidibczi, diizd Jerusalén xt guidib niz Iĺrico. ²⁰Din zian naj da xgaban ǵunan, gatie'chan xtiidxza'c Jesucrist. Per ad lod ma guzulojt ben ren con dxiin guie, gatiechanan lod ad waguiejntczi reeman xcwent Cristo, ²¹zi'c ca loj xtiidx Dios lod ŕeb:

B́en ad waguiejnt ree xcwentaman, ǵiúnbee reeman laaman. Guiaád ree b́en ad wayagbeet xcwentaman, gagbee reeman laan.

Ŕujn Pab xgab cheman Roma

²²Abi' guial wan guidibczi lod ma rmin lojdi, zeel ad wayajct gan guidganan ĺejt, majsi zianczi guýenan nidganan ĺejt. ²³Per yan guial ma gulox gutiechan xtiidx Dios guidib niz guie, abi' guial ma gojc zien ijz ni ŕenan guidganan ĺejt, ²⁴zeel ŕunan xgab guidganan ĺejt chi gan España. Abi' chi gad́eđan guguián ĺejt, chi ma gojc tio'p choon dxej yu' luxdoon zagdxe guial za'n con ĺejt, dxel ma ǵiúndi naj yudar din gan España. ²⁵Per yan yalój gan Jerusalén chigsa'nán tijb yudar par ree dux compniar ree b́en rliladx ree Jesucrist. ²⁶Din b́en Macedonia ree con ree b́en Acaya b́en rliladx gajc ree Jesucrist, been reeman xgab guto'p reeman yudar guin par ree b́enprob zojb ree Jerusalén, b́en rliladx ree Jesucrist. ²⁷Abi' por xixgab reeman guixhiaal reeman yudar guin, per zagdxe naj ni cayújn reeman din mal nuźeđ reeman loj reeman. Din por ree b́en Israel bidxin xtiidx Dios loj reeman, dxel yan laa reeman guial ad najt reeman b́en Israel, zagdxen guial ǵiún reeman yudar b́en Israel ree zi'ctzi gac reeman. ²⁸Zeel chi ma balooxan dxiin guie, chi ma bayún yudar guin, dxel gan España, abi' chi gad́eđan ladxidi dxel guidganan ĺejt. ²⁹Naj ragbee guial

chi guidganan lějt, zien da't ni gunee Dad Jesucrist par ganin lějt. ³⁰Yan por dux Dad ree Jesucrist nē guial rēn xSprijt Dios dunuj ree, rniaaban lojdi din güüнди naj yudar yarejdx yanaab ree Dios por naj. ³¹Gol gurejdx gunab Dios din gagnēman naj loj ree b́en Judea, b́en ad rlıladxt ree Jesucrist, gol gurejdx tēē Dios por dux compniar ree b́en rlıladx ree Jesucrist, b́en zojb ree Jerusalén din tiēb reeman tia' reeman yudar ni chıgısa'nan par laa reeman. ³²Dxel bal gagnē Dios ma chu' luxdon zagdx guidganan lějt dxel ma zajc yaziiladxan la'tgaj za'n con lějt. ³³Dux Dad ree Dios b́en rabe'cdxe du luxdoo ree, laaman gagnē gradi. Amén.

Rugajpdioz Pab bejn ree

16 Yan ni gui't Febe ladxidi, b́engunaa ni naj dux compniar ree guial ralıduladx ree Jesucrist, b́en cayüjn tēē sirv lēn yadoo ni zojb guiedx Cencrea. ²Gol baca'man zagdx por Dad Jesucrist, zi'c rayal yaguieennē' ree dux compniar ree b́en rlıladx ree Jesucrist. Gol beenman yudar bal xhienin ryaadxaman, din dád zien ree bejn ma beenman yudar nēgajc naj ma beenman yudar.

³Gol bagajpdioz Aquila con xb́engunaaman Priscila, b́en cayüjn ree naj yudar cayguieenan sirv loj Jesucrist. ⁴Abi' laa reeman xt guzuj reeman loj guialgüjt por naj, zeel rudēn quixtēē loj reeman. Abi' ad najtzi rudē quixtēē loj reeman nē ree dux compniar ree b́en rlıladx ree Jesucrist b́en ad najt ree b́en Israel rudēē quixtēē loj reeman.

⁵Gol bagajpdioz ree b́en rlıladx Jesucrist, b́en rado'p ree lidx Priscila con Aquila. Gol bagajpdioz da miwan Epeneto, b́en goc b́en yaloj bililadx xtiidx Jesucrist niz Acaya. ⁶Gol bagajpdioz Li, b́en ma been da't lějt yudar. ⁷Gol bagajpdioz ree b́en ladxan Adrónico con Junias, b́en guyu'nē' reen ladxguiib. Abi' ree xi apóstoles Jesús dád rēn reeman laa reeman, abi' yaloj laa reeman bililadx Jesucrist guial lon.

⁸Gol bagajpdioz Amplias, da miwan b́en rēn da'tan guial nayajcan xbejn Jesucrist. ⁹Gol bagajpdioz Urbano, b́en cayüjn naj yudar cayguieenan sirv loj Jesucrist. Gol bagajpdioz tēē da miwan Estaquis. ¹⁰Gol bagajpdioz Apeles, b́en ma balüü guial diidxliczi rlıladxaman Jesucrist, gol bagajpdioz tēē xfamil Aristóbulo. ¹¹Gol bagajpdioz tēē Herodión ben ladxan, nē ree xfamil Narciso, b́en ma rlıladx Jesucrist. ¹²Gol bagajpdioz Trifena nē Trifosa, b́en cayüjn ree sirv loj Jesucrist. Gol bagajpdioz tēē Pérsida, b́en naguieenbee ree guial dád cayüjnman sirv loj Jesucrist. ¹³Gol bagajpdioz Rufo, b́en diidxliczi zinal xnejz Dios, gol bagajpdioz tēē xniaaman, b́en rēnan zi'c da nan. ¹⁴Gol bagajpdioz Asíncrito, Flegonte, Hermas, Patrobas, Hermes nē gra ree b́en za' con laa reeman, b́en ma rlıladx ree Jesucrist. ¹⁵Gol bagajpdioz Filólogo, Julia, nē Nereo con bizanman, nē Olimpas con gra ree b́en rlıladx Jesucrist b́en za' ree con laa reeman.

¹⁶Gol bagajpdioz lasa'di zi'c rayal. Dux compniar ree b́en ralıduladx

ree Jesucrist bén za' ree guie, rugajpdioz reeman lëjt.

¹⁷Compniar raliduladx ree Jesucrist, rniaaban lojdi din gapidi cudad con ree bén rlia' lasa' ree bejn, bén rusquiee ree bejn guial ruliüü reeman ni ren ree guial loj ni ma basiididi. Ad guidxga'di laa reeman, ¹⁸din ad lojt Jesucrist cayüjn reeman sirv, rüjn reeman ni rëntzi reeman, abi' con diidxnagüüdx ne con diidxza'c rüjn reeman gan bén ad ragbeetzi ree o bén ad ragbeez'a'ct ree xtiidx Dios. ¹⁹Per lëjt, guidibczi ma ragbee ree bejn guial ruzoobquidi diidx zinalidi xtiidx Dios, dád nix yu' luxdon abi' rënan susindi par güündi ni zagdx ad par güüntidi ni mal. ²⁰Dios, bén rabe'cdxe luxdo bejn, laaman gagnë lëjt nayob chitëë güünri xindxab lëjt gan. Dux Dad ree Jesucrist gagnë lëjt.

²¹Rugajpdioz Timoteo lëjt, bén cayüjn naj yudar con xchiin Dios ni cayünan, në ree bén ladxan bén la ree Lucio, Jasón, në Sosípater, rugajpdioz reeman lëjt.

²²Në Tercio, bén cayüjn gui'ch guie rugajpdioz lëjt por dux Dad ree Jesucrist.

²³Nëtëë Gayo rugajpdioz lëjt, lidxaman za'n, runee tëë lidxaman rado'p ree dux compniar ree bén rililadx ree Jesucrist. Në Erasto, bén naj tesorer luguiedx guie në bén la Cuarto ben rililadx Jesucrist, rugajpdioz reeman lëjt.

²⁴Dux Dad ree Jesucrist güünle' gradi. Amén.

Diidx bigra bacaa Pab loj gui'ch guie

²⁵Radëen quixtëë loj Dios din laaman zile' gagnë lëjt din gusnuu gagbeedi sudxi'ch tëëdi loj xtiidxza'c Jesucrist, zi'c ma balüün lëjt xhienaag din gaquidi perdon. Din zian naj xixgab Dios diidz chi gad guidxliuj gacchaaw, xgab ni ad gogbeet ree bejn diidz guia'xchej. ²⁶Per yan ma rayagbee ree xhienaag naj xixgab Dios, ma rayagbee ree por ree gui'ch ni bacaa ree bén badëë xtiidx Dios loj ree bejn zi'c gunabee Dios laa reeman, bén naban goctëëz. Abi' guidibczi care'ch xtiidx Dios din chililadx ree bejn Jesucrist guzoob tëë reeman xtiidxaman.

²⁷iTijbzi Dios, bén rajc gradooczi, rayal yaya'p reeman respejt zianczi por Dad Jesucrist! Amén.